

志)

千戶所署在教諭署西自設守備城守移駐千戶署及裁守備復遷入守備署該署改作電報局今電局又遷教諭署

石塘營署廉州府稅廠在外城外興隆大街坐東向西一連三進康熙四十七年廉州府設立征收落地稅旋因控罷雍正二年季府詳請撫藩咨部復設十二年張府泐示懸頭門按清初承明後市於石塘置汎弁並通判一員康熙間奉裁通判該市遂廢汎弁移駐武利墟今營地已稟建爲石塘練育才兩等小學堂

#### 公所

大雲寺在縣治西凡三座座皆五楹中座建樓三楹東西俱有廊房每遇大慶設牌於此各官行朝賀禮康熙四十六年住持僧光願了迷與邑人譚起英甯俊明甯坤升甯殿楷甯殿楹梁楠紀裔英邵德忠譚大猷趙明新趙宗翰募修正殿頭門及後樓邑人譚謙爲之記不具錄嘉慶一十四年住持僧會司祖謙復倡修添建拜亭(舊志)

按寺尙有重修二碑記編載壇廟類又按此條載入公所者以前清行禮處屬公地故也(續志)

宣講臺在東門外觀音廟前嘉慶四年建同治元年知縣王振榮倡重修(此條據生

## 靈山縣志

輿地志

十八

廣州黃黎巷新中華承印

員陳之翰重修觀音廟碑採入)

育嬰堂光緒十八年知縣饒繼志捐建有記詳善團

普仁善堂光緒三十四年將西靈書院改設

巡警局光緒三十四年借設北帝廟

工藝陳列所光緒三十四年將考棚改設今改爲閱報社宣講所模範初等小學秀靈

賓興館在石塘練洞心舖光緒八年建

山心大公館一所二座座凡五楹兩廊有耳房前有照牆爲官員往來站所

豐塘大公館一所三座座五楹旁有耳旁爲官員赴省駐站所

汎房在武利墟一由石塘汎移駐伯勞墟一由吳屋移駐今裁

卡房在武利墟現設公局

武利運館在三里江縣南八十餘里被水冲塌遺址尙存

武利公館一連四座兩廊雍正間武利博義兩練紳耆創建爲官員駐站所先是武利

鹽運館被水冲塌借佳公館厥後鹽運停罷年久被合浦榔樹楠盜買瞞聳白石場

給據今地方紳耆控告未結

靈山正續志卷三輿地志

建置類中 壇廟 祠宇

壇廟

社稷壇在縣西石六峯嘉靖八年僉事劉道周改建永寧坊西北

先農壇在縣東一里雍正四年建高三尺縱橫各二丈壇高一尺長三丈

先農祠一座配房一間乾隆五十三年邑人重修嘉慶八年復修咸豐七年燬於寇同治十年重建光緒十八年重修

山川壇在縣南城外天順七年知縣林錦建（按郡志作風雲雷雨山川壇）

厲壇在縣北城外半里天順七年知縣林錦建

文廟在縣治西對大南門凡三座中爲大成殿南向祀孔子並祀四配十二哲分東西面前爲東西兩廡各九楹東廡祀先賢蘧子瑗以下四十人先儒公羊子高以下二十四人西廡祀先賢林子放以下三十九人先儒穀梁子赤以下二十二人姓名位次皆遵會典所載兩廡前爲戟門三楹戟門左右爲東西角門又前爲泮池深二丈濶三丈又前爲櫺星門三楹又前左右爲禮門義路坊坊側有下馬碑一通每歲春秋仲月上丁日祭忌日設祭

舊志載本縣學宮舊在石六峯東南距縣治二里宋治平二年遷治之東寶祐四年攝

## 靈山縣志

輿地志

十九

廣東黃黎巷新中華承印

尹趙崇商復遷石六峯故址長沙省元丁應全記元末燬于寇明洪武四年重建三十四年知縣李善初復遷於縣治東西安梁贊記正統五年靈山築城景泰元年知縣羅宣改遷城中千戶所之東歲久而圯成化六年僉事林錦重修蒲田何贊記人才振或歸諸地嘉靖十四年王崇從衆議復遷於石六峯僉事林希元記（據林希元記云嘉靖乙未創建明年告成乃係十一十二兩年此云十四疑誤）嘉靖二十七年知縣經彥宬復遷於城內萬歷十三年知縣呂調和遷於南城外工未完知縣彭繼美續成之至知縣李榆修葺始豎臥碑立石題名三十二年知縣陳文詳允建於城內關王廟之東沿至明末清初兵荒止餘舊址榛蕪滿目至康熙四年知縣多宏安重建於西門外邑人勞炫建啟聖宮於殿後訓導王啟輔董成之知縣林長存重飾康熙四十二年知縣段曦徒處議遷建於城內縣治西工未竟段令行取四十五年知縣李晉繼成正殿旋去任五十五年知縣葉昌捐金四拾議建啟聖祠明年知縣李培仁踵成之並建西廡名宦鄉賢二祠大成櫺星諸門及月臺泮池照牆周以繚垣知縣李培仁記六十年知縣唐開運議建明倫堂至雍正六年林榆七年署縣盛熙祚踵成之此靈學勦修遷改節次可畧考也後至乾隆三十六年辛卯嘉慶十年乙丑邑人皆重修之欽州馮敏昌記又勞炫曾孫曾超基斌等以其公產捐金四百餘兩重修啟聖殿勞如珍自爲督

理知縣材長存記

按舊志云長沙丁應全記西安梁贊記莆田何贊記碑與文俱無存古閩林希元記知縣林長存記文存碑亦無存今惟存李培仁記馮敏昌記兩碑立於學內如次列後

欽州知州海北僉事林希元靈山學記 靈儒學故在石六峯下成化中燬於寇始移建邑城學建於兵燹之餘凡百苟簡故其敝也易地亦弗稱才沿之落師生惑謀遷於故有司則末學莫或省也乃金華麓泉王公以廣東按察司僉事備兵海北視 弗修且壞作意興修師生喜曰幾也以告公曰僉予汝圖爰相新基允惟舊吉謀於當路咸贊厥成卜日改遷士民胥悅於是能者輪勞富者輸力公因而用之取材於山取瓦於陶取灰於石佐以公帑之贏商匠度務以嘉靖乙未八月啟手越明年六月告成事前文廟後明倫堂兩座兩齋門庭庫庖咸以序奠祠啟聖名宦鄉賢於故址亦有講堂號舍師居貌宇崇恢采章赫奕學宮之美甲於他邑爲費以千計皆公所營度官帑之積十得一二焉師生大公之功懼遂泯請予記之予負辜南遷風波涉歷筆研荒久矣感公之美不容辭按今老子釋氏之宮雄偉壯麗等於王者其教稿身而拙用其徒勞勞焉敝厥生以築之夫子之宮乃吾輩所由成身而致用經世而澤民乃漫焉莫之省或

## 靈山縣志

輿地志

二十一

廣東黃黎巷新中華承印

委諸風雨或委諸草莽果何謂哉麓泉斯舉豈不遠過夫人歟公於城池甲兵旣飭以整於學校又如此職在軍旅不廢俎豆可以觀才矣予因是有望於諸生夫學校不修有司之過學業不成誰任厥咎是故積學以明道果行以理身經政以宜民繹教以敦俗是諸子之責予與當道之所望也尙其勉諸

按此碑已無存謹照雍正舊志本錄之

吳謹按作此記時縣學在石六峯之下

康熙四年邑人勞炫獨建啓聖公祠知縣林長存有記 南賓夙稱奧區也六峯巖崿拔地凌空其清淑之氣萃爲人文懷鉛握繫之儔染翰操觚之輩雲蒸霞蔚爲三廉冠而至聖孔師之廟亦嵯峨宏敞壯麗偉觀一時奉璋髦士濟濟踰踰於几筵間者猶若歌雲漢而頌天章焉文教之盛於是丕振無何而綠林構釁一炬焦土矣詩書禮樂之場變爲鳴鏑吹鐃之地學宮之鞠爲茂草者已非一日矣瓊郡王公諱啟輔者文章宗派理學名儒己酉秋以明經來司南賓校事邑之負笈擔囊者無不人人被濯豉舞以爲得師公惟一意以誘掖獎勵爲事引羣材之有餘不及者繩墨加之鱣堂之席甫煖而土已畢受其裁豈弟作人惟公有焉閒賞憑弔類宮舊址嘗喟然曰人之去聖人也遠矣入聖人之廟如見聖人焉其何忍以俎豆馨香之地竟委於丹楓白荻斷梗荒榛

中而不一顧念哉目瞪心悸忡忡然而不能下也遂與前邑侯漢阜多麼商所以興建狀選地於西關外捐俸醵而築焉薄者厚之高者平之桂棟瓊牆薛蕙焉而繚之若堂若廡釐然具舉所缺者啟聖公一祠有志而力弗逮謀於邑之薦紳士僉有難色正觀勞先生諱炫者邑之永寧鄉人也毅然引爲己責以妥聖人並求所以妥乎生聖人者乃誅茆於廟之旁隙而垣墉之墜茨之梓材而丹雘之一椽一瓦皆竭己橐毋損邑人一錢實實然枚枚然不逾月而工告竣人之頌先生者以先生之有功於膠序其好德也能興賢也不遺餘力而創闢也今而後生聖人者妥而爲聖人者亦妥矣且先生少而狗齊長而敦敏其經解不窮有戴憑侍中之譽潛德弗耀有管寧北海之風誘進後學羔鴈常填門有康放通德之望先生之沐浴於聖人之教也不淺是役也泰山峨峨泗水湯湯與南賓之宮闕相爲不朽非先生之功其誰功哉司訓王公欲泐之石以誌永水問記於余余思自庚戌春奉簡命至靈甫下車與諸生講學於茲仰視榱桷如飛如革嘗嘖嘖先生功德之盛有歌頌所不能傳楮墨所不能盡者至是從王公之請義不得辭也於是乎書

吳謹按此記之作縣學在西門外碑亦無存

知縣李培仁重建文廟碑記 古之建邑也凡以爲教養斯民也養則謀諸野教則謀

## 靈山縣志

輿地志

二十一

廣州黃黎巷新中華承印

諸學故邑必有學學必有廟廟之中爲先師殿殿前爲樂舞臺臺之左右有兩廡前有戟門又前有泮池又前有櫺星門後則有啟聖宮旁則有名宦卿賢各祠其規制然也靈之學自宋至明地凡數易迨兵燹之後規制逾多未備歲丁酉余承乏西靈恭謁聖廟頽然先師殿而已若臺若廡無有也若戟門若泮池無有也若後之啟聖宮無有也旁之名宦鄉賢各祠更無有也一望榛蕪四顧曠如求短垣敗壁而不可得嗟乎地非文囿芻蕘雉兔胡爲乎來哉余心竊怛怛動焉時有利生諱紹宗者歲貢士也進而請曰向者邑侯葉公欲振而新之捐俸四十以倡時有未逮金雖存而事旋寢踵而行之可乎余曰諾子之言余之心也子曷任之生亦曰諾余薄宦也靈瘠邑也今視事之堂猶編茅以蔽風雨余恬然安之而顧於此不敢不勉凡以云教也於是向之怛怛動者今且欣欣善矣無何利牛逝又幾幾欲寢余思天下事當爲者不可不爲爲之不可不成使蹶然而止前之怛怛者何心欣欣者又何心遂益加勉焉傾厥囊選厥材庀厥工遴衿士之賢能者陳爾進甯廷彬霍廷瑜鍾宏等董厥事不期月而若殿若廡若門後則若啓聖宮旁則若名宦鄉賢各祠規制畧備外築以繚垣旣周且固增以屏牆亦煥亦高雖因也者實創焉然而懼其久而易頽也查下甲鄉五冬有在官之田民米一石官米五斗九升二合二共每年載租壹千二百五十一斗七升可爲歲修之費謹撥人

學毋致侵蝕毋致冒破量歲之豐歉視工之大小咸登諸冊俾有所稽考則其事乃可以久余竊有進者夫斯道之傳也堯舜植其基禹湯開其戶文武造其室至仲尼而集其成今日靈之士望夫子門墻升降揖讓於堂廡之下瞻其基而得其根柢焉窺其戶而得其廣大焉是即所以教之也夫勸學修禮崇化薦賢以風一邑宰之職也余不敢曠於是乎書（碑現存文廟謹照原文錄出）

欽州馮敏昌學記 己未之歲余主講端溪書院任海豐學博靈山仇君汝昌過余以邑人士之意求余爲學記爲言靈之有學自立縣時始至本朝康熙年間重修歲久頽落乾隆辛卯歲邑人修復視前宏壯有加願爲文記之而並以勸後余辭不敏迨嘉慶乙丑棟梁桷板之撓折者易之瓦甃之破缺者葺之墻壁之漫漶不鮮者丹之適余移講粵秀仇君復請余不敢辭乃作而嘆曰靈邑人士之好德而好學乃至是哉余雖不敏竊願有所明焉蓋謂國家之設學不過欲使人自昭明德而已夫德之本明非由外鑠此蓋出於天之所爲而非人之所設也然非學聚問辨則無以爲寬居仁行之地此學之不可不講而講之尤不可以無要也何以明之詩曰天生蒸民有物有則民之秉彝好是懿德夫子以爲知道夫作則者天而好德者人天與人合而道著焉故夫人之好善惡不善皆所謂好德之良也人之尊師取友皆所謂好學之實也天之事少而人

## 靈山縣志

輿地志二十一 輿地志二十一

廣東黃黎巷新中華承印

之事多故必盡人而後可以合天而聖人者尤爲人倫之至則欲盡人事者舍聖學其曷以哉有如三代以上道在堯舜禹湯文武三代以下道在吾夫子固無異論而愚竊見後之學者似以爲聖人之道高遠難幾欲求所以從入之路則舍聖人之論而求諸賢人君子之論者有之矣然而所謂賢人君子之論似近而實遠也聖人之論似遠而實近也又況其爲下焉者乎故嘗竊謂聖人雖不可得見而論語之書具在學者誠能深觀而細味之當有以見其不離乎人倫日用之間有以得乎盡人合天之學無支離煩苦之弊亦不墮於鹵莽滅裂之譏語其近則夫婦之愚可以與知而極其至則賢人君子或莫之能外焉此則吾夫子之道所以爲大中至正不特非後儒之所能盡而亦並非大賢以下之所得而同也則必尊聖人而後可以知學也然而後儒之論亦有合於聖人之道而爲學人所最要者則如陸子靜喻義章之講義朱晦翁以爲深中學者痼疾此則學人切要之功不可以朱陸異同紛然而置之者也故余今觀斯學之建其好德之良見於倡修襄事之甚力其好學之誠見於求記之不息而特愧余雖知尊聖不能勉行竊願諸人士以尊聖之心求尊聖之實而尤以義利爲先則庶乎有入德之門其於天人合一之原將有所聞而去道爲不遠矣抑邑人修學後文風丕振科名不絕此則所謂天人相應之理未可厚非而亦可無容心於其間者也是爲記邑人梁惠

祖書（碑在戟門左）

以上舊志

咸豐九年邑人姚幹邦甯志敏合衆重修文廟道銜署廉州府知府帖臨藻有記（帖山右人） 粵稽邳隆之世國有成均鄉有遂序所以敦教化而養人材也國家崇道尊儒詔令天下郡縣設學宮俾海隅山陬沐聖澤而瞻禮容猗歟盛哉余每公暇披輿圖攷學校知靈山縣文廟向建於石六峯山下自宋元以來或燬於寇或以形家言遷屢復迨康熙四十二年知縣段曦始從衆議遷於縣署之西事未竣適以秩滿去經後之官斯土者寸累銖積歷數十寒暑始次第奏功惟啟聖宮一座三楹爲前明拔貢生任兵部主事勞炫獨力鼎建也後因歲久漸就傾圮嘉慶十年復經姚生秉鈞暨同學諸生採木陶瓦重加修葺而武生勞如珍族人亦重修啟聖殿咸復舊觀乃咸豐七年西匪襲陷縣城若殿若廡若祠宇附之咸陽一炬化輪奐爲瓦礫矣次年城德後邑紳士咸思陳俎豆聽鐘鼓謀所以興學之遂釀以金錢壹千五百餘緡鳩工庀材於年三月涓吉興工經之營之十閱月而慶落焉成若殿若廡丹楹刻桷爛然翼然他如東西戟門櫺星門月台泮池一律營造如制今而後譽髦斯士無小無大從公于邁登賢關而造聖域不即於此立其基哉今余典守是邦亦有教養之貴者也既備聞多士

## 靈山縣志

輿地志

二十三

廣州黃黎巷新中華承印

興起之機又得盧生迺莊等詳陳顛末則知是役也不費帑金不捐官俸群情踴躍而典禮得以重新其功不誠偉歟至其始終在工晝夜規畫如理家事者姚生幹邦甯生志敏也其能紹聞先德以蒸嘗餘貲獨力重建啟聖宮者生員勞銓宇爲之董其役者亦儒生勞常勤也例得並書今紳若士因謀伐石特請於余余固嘉其功而不欲沒其勞也爰爲之記時同治元年歲次壬戌八月既望也咸豐九年邑人勞銓宇闔族重修啟聖祠知縣陶楫有記 稽夫啟聖之封始自元至清而立殿配享之禮燦然俱備凡以隆禮我夫子者實爲前代所不逮靈山即古之南賓其地綠蘆龍牙鳳凰諸山爲天地靈秀之氣所鍾邑中之享大名登顯位者代不乏人而要其所由來者豈無因哉前明兵部主事勞君炫鼎建啟聖宮已詳載邑乘矣至嘉慶年間歲久傾廢復有勞生如珍暨族重修承先志焉咸豐丁巳冬西匪襲陷縣城兵燹之餘祠址僅存宮牆勢擬乎頽山絲竹聲聞於壞壁而暴露於風雨荆棘之中者於後殿爲尤甚己未秋余宰是邑值軍需旁午欲鳩工而力有未逮適邑人公議修復至聖殿有銓宇勞茂才者以謂是其責也爰集族人簽資諷吉又以地勢卑濕不足以昭誠敬於是相度遺址築而升之日往來於斧斤土木之間並忘饑渴不數月與至聖殿先後落成廟貌一新威儀整肅初不得以興復舊觀視之巍巍乎見夫繼長增高之勞即以卜勞氏之繼繼繩繩方興

未艾也聖教啟佑後人振興多士即於是見吾故曰其所由來者豈無因哉是爲序）  
碑在戟門）

同治十三年邑人勞度和合衆重修文廟廉州府知府鹿傳霖爲之記 靈山在郡城西北漢合浦部地五代梁陳改置宋廣郡隋開皇中仍爲縣三易名曰南賓曰遵化曰內亭皆屬寧越郡唐貞觀十年始稱今名隸欽州宋開寶五年廢遵化內亭併入靈山明代始隸廉郡而名仍其舊邑之有學宮祀先師也目宋治平二年始迄於有明廟址屢遷屢建至康熙初又建於西門外迨四十二年邑令段君曦始議遷於城內五十八年邑令李君培仁重建而擴充之刻石紀焉即今之舊址也咸豐七年城陷廟燬旋即草創修復而規制多缺無以成禮邑人士憂之復集衆議僉踴躍輸金於是庀材鳩工越五年而告成功凡崇聖祠兩廡戟門泮池櫺星門與夫名宦鄉賢各祠無不輪奐堂皇規模大備如一省學宮制洵足以昭誠敬而資景仰矣時霖來守是邦邑賢士謝振邦等書其經營始末乞爲記之霖不文忝有教士牧民之責義不可辭因秉筆而言曰古者立學教士家塾黨庠先行後文所以崇經術勵實修明禮讓厚風俗也降及後世風教日靡學術日漓於古人立學之意曾不知講讀聖賢書所學何事至聖之教其在六經不深探夫格致誠正之原孝弟忠信之實徒沾沾致飾於外以爲輝煌廟貌壯麗

## 靈山縣志

輿地志

二十四

廣州黃黎巷新中華承印

宮牆將以振興文教也將以培植人材也以此言之先師之靈爽其憑依於斯乎一隅之科其名受福於斯乎吾知其必不然矣靈邑六峯峭拔山秀而奇群港回環水清而之激故風俗樸茂近古多士鍾山川之靈必有雲蒸霞蔚鬱然奮起之英則賢搢紳之從重建學宮所以尊聖者在茲所以勵學者在茲知必有祇父恭兄克敦夫講讓型仁之俗礪名低節精研夫治人修己之方而且忠孝節烈祠祀畢修試院城垣廢事具舉此禮陶樂淑相觀而善將見海濱僻陋之風悉化而爲禮讓敦龐之象當不僅輝煌廟貌壯麗宮牆徒飾於外以肅觀瞻己也而實至名歸理有固然即掇巍科登顯仕輩出英俊代有作人亦於此卜之矣彼夫形家之言風鑑之幻則非霖所知亦不願多士備之也是役也計費制錢一萬三千四百緡有奇經始於同治十三年落成於光緒四年董其事勞度和甯啟庚廖懿修王會韋經注鄧濬修譚耿光陳奇才姚幹邦譚家樹謝鑾章周道精等官斯土者知縣俞文萊教諭文獻華訓導崔友成例得備書（碑在戟門）

以上續志

名宦祠在文廟戟門東祀宋知縣鄭光祖主簿毛溫明通判葉長春知縣林錦徐棟焦瑞蕭學儀汪游龍連城璧縣丞王勉典史鄧忠教諭郭湍訓導蔣蒙西鄉司巡檢歐陽福清總督佟養甲巡撫王來任朱宏祚楊宗仁楊文乾知縣多宏安訓導王啓輔卹贈

按察司僉事知縣徐尙介（舊志）

孝詩謹查現在木主二十二位外有宋孝子王康臣明孝子李國華本主二位自係因孝悌祠圯後附祀於此殊於允協若復建祠當遷木主專祀之非山知縣張孝詩記（續志）

按府志多明守備滕漢查現祀多總督孔毓珣祁貢巡道許道身又按孝子主康臣二位已移忠孝祠（續志）

鄉賢祠在文廟戟門西祀唐諫議大夫兼修國史甯原悌朝奉大夫秘閣修撰黃渙明隆安縣知縣石維海平和縣知縣莫如勤大庾縣知縣梁夢鼎永新縣縣丞柳稠歲貢士檀昭（舊志）

孝詩謹查現祀鄉賢木主七位復檢查舊志唐同平章事姜公輔列入人物志內而里墓皆有可攷理合補祀按此係例在奉祀鄉賢之人無庸再行咨報內志今敬增木主入祠可也靈山知縣張孝詩記（舊志）

按舊志祭器樂器皆有註而無數殊失志之體今悉查現存器數補入至其製器之由自有禮書禮器圖博古圖等專書並散見於使

吳按舊志各官春秋致祭儀注禮器陳設樂章歌舞皆備載之然此係天下奉行大

## 靈山縣志

輿地志

二十五

廣東黃黎巷新中華承印

典其詳見於清會典全書各州縣學宮皆然若省志及一統志則例有可通方志可無煩贅錄也又他州縣方志亦有志官員注見儀相者靈山僅領典史一巡檢二亦可無贅又按舊志載射儀鄉飲酒禮今皆詳於學政全書均可裁省敬附論之（舊志）

按舊志附現存祭器樂器均已散失故刪節之存按語二則並別附現存若於後以符實事（續志）

現存樂器（係光緒元年教諭文獻華手置下同）

銅特鐘壹個 石特磬壹塊 銅小編鐘十六個 鼗鼓式面 鳳簫式排 石編磬十六塊 琴壹面 搏拊鼓式面 瑟壹面 箎式管 笙式管 壎式個 龍笛式管 洞簫式管 翟毛陸枝 竹翟陸枝 龍旛式架 旌節式架 楹鼓壹面 門鼓壹面 銅鎖捌把 鼓架式座 特磬架壹座 編皇架壹座 鼗鼓架式座 敵壹鐵 編鐘架壹座 翟籥架式座 笙簫架式座 搏鼓架式座 柷乙止 臺四張 裝特鐘箱壹個 裝小編鐘箱壹個 琴箱壹個 瑟箱壹個 裝石磬箱壹個 現存祭器

銅香爐壹個 銅燭燈式個 爵杯式拾壹個 銅簋拾個 銅簋拾個 銅劓捌個

銅登壹個 銅犧壹鑄個 硃漆木豆四拾式個 銅龍杓壹個 硃漆竹籩四拾式個 木俎七個 連銅鑲 鹽虎形模壹個 香案拾壹張 鑄案拾壹張 祝案拾壹張 裝籩豆箱四個 裝銅祭器箱四個

以上續志

關帝廟在縣治東北明景泰元年千戶趙敏建康熙八年署縣事廉州府經歷林有聲城守都司馬成龍捐資及典史何之欽生員劉應選盧文源重修雍正三年奉旨每歲春秋及五月誕辰三祭追封三代公爵設主後殿歲支地丁銀拾五兩乾隆四年加銀貳拾五兩見田賦志（舊志）

道光九年邑人捐金重建 光緒二十一年知縣阮萃恩倡捐重修（續志）

城隍廟在縣署東創建無考明知縣黃應元有新遷靈山縣城隍廟記 應元由建安丞宰今邑先期職歲幣獻於京王邸忽於一夕夢城隍神藉遺券授予曰此民間積負也輸之可營室大都若黃梁語言言印證復夢一處予爲妖所崇克不行予下車燭其戶妖就馘作蹲踞狀時尚未識所謂及抵任謁神舊祠在城西北一隅湫隘傾圮弗稱崇祀予愴然靡寧入左室揖一神若處女意其后天人也贊者鄭生曰否此爲南堂凡求嗣者必禱有應輒隨所施爲葺費積數十金歲久乾沒此垣宇不治顧一尸視蓬首

## 靈山縣志

輿地志

二十六

廣東黃黎巷新中華承印

伏地恍如夢中妖廉之非善知識人有禱必肆所欲不則攘臂紵之日肩南堂戶索香燈資方啓衆心厭之今者神譴瘵矣予愕然曰嘻疇昔之夢神以告我毋乃謂是歟且神與南堂弗類而南堂居左侯宮居右匪制欲改創謀諸邑士大夫僉曰神無常依惟依於人情猶夢卜也擇地得先師故宮四山躍然若拱若護乃率僚佐各捐俸錢飭材鳩工募士民咸出所有以相助或以埴或以陶或以菽粟鐵石至有以力傭者爲殿三楹前棲神後川堂爲夫人室左齋舍又其左爲書院蹟海北址諸士課焉雖門廡庖湢未備而棟宇粗成爰告於神而遷之茲役也經始於壬辰八月望日至越月而龕像供具煥然一新非地之靈神之靈而胡能感人心之靈若此其速成哉神既遷藉所負得數金復市材葺舊廟改祀南堂扁其門曰廣嗣祠後爲燕喜亭志新也工未竟予左遷淮南郡嗣事者莆陽林幕翬地聖戶殫乃心力予將行索記愧不敏聊記往事如此果夢耶非耶抑夢夢耶復勒衆姓於碑俾爾子若孫指其名曰是吾祖生平福地也感而思思而捨庶幾傾者圯廢者葺佑我民無窮之福云是爲記 按此照雍正舊志本全錄唯篇首予小子三字從乾隆舊志本去之碑無存（舊志）

乾隆二十九年知縣黃元基重修嘉慶十六年知縣彭應徵典史杜新率紳民加葺舌志）

光緒十四年知縣李受彤董汝礪相繼倡修正殿頭門（續志）

天后廟在西門外迎恩橋西明萬歷三十四年知縣陳文選倡捐重修有碑記己磨滅難考乾隆五十四年邑候選儒學劉純祖舉人劉慎貢生劉恕重建中座馮翰威江世光江世璋周殿仁仝建正殿同治二年知縣王振榮倡修知縣莫毓梅倡捐重建暖閣拜亭兩翼屏門僧舍鞏蓬分州馮翰威等倡捐新建頭座兩廊（續志）

華光廟在縣署東乾隆二十四年闔邑同建每歲春秋仲月上戊後丙日致祭嘉慶二十五年典史杜新率紳士倡修邑人梁惠祖有記並書 邑之東城內有火神廟由來尙矣控六峯以層霄洞三海之清閼其方位按五行中之相尅相生而相爲用形勢家屢言之理殊不易神主之者是用孔亟前人刱建於斯己具深意國初無可攷自乾隆二十四年累石築臺計以尋尺上連建廟廟宇二楹其北偏則有臺而無室也其南偏並室亦未累石以成也嗣五十九年重修不過葺補瓦桷使有基勿壞留以有待耳數十年來邑每異警說者謂西方石峯高視逼壓廟貌不壯火弱金強不相爲濟即不相爲用云云嘉慶己卯夏邑侯張公蒞治先其人民即致力於神厚捐廉俸居高以倡詢謀僉同而少尉杜君左右其間勸捐竭力以庚辰夏經始秋末告成向之南北虧缺者今則崇基兩翼彌縫四間矣向之殿門卑狹者今則突夏閨閼繼長增高矣且廟前甬

## 靈山縣志

輿地志

二十七

廣州黃黎巷新中華承印

道數十丈傾歧艱阻邑人亦捐資嵌石正直平康矣協於上下以承神庥際奉牲奉醴奉粢之期普存可告即所謂相濟以相用神主之者不在是耶是役也邑侯張公倡少尉杜君承而都人士之踴躍從公並勒石以記（續志）

北帝廟在縣署東嘉慶二十一年知縣于潛修重修

文昌廟在城隍廟東三座座凡三楹每歲春秋仲月上丁日致祭嘉慶二十五年新建文昌宮在縣署東知縣張孝詩有記 盖禮莫大於祀事先王制禮隆其儀備其物極情文之兼至重祀典也典至太牢之亨禮莫加焉舉莫廢焉孝詩於嘉慶己卯夏恭膺簡命捧檄斯區見夫風土人物居然美秀而文及謁各廟無不巍煥可觀拜瞻之下想見前人之規模與一朝之典章歷終古而勿替獨文昌無祠屆春秋祭期設神位於西靈學舍祭畢即撤殊形不安雖誠所感通固不在摹形繪像而像者象也想其生也有像必有廟廟者貌也彷彿其形容也此古人於神必建廟塑像非以壯觀瞻實以昭肅穆况大典所在而不修舉而奉行之非所以崇祭祀而對神明靈之邑亦多人文大禮豈竟不講乎各紳士咸稱會議創於縣之北城工將及半嗣奉駁飭中止是以前功盡棄不能不另圖址基一載以來籌之再三於書院旁得隙地局面宏敞可以建造謀之各紳士亦衆論僉同遂捐廉以爲之倡各紳士亦踴躍樂助謹擇於嘉慶庚辰年十二

月十四日興工於道光辛巳年八月告竣從此廟貌聿新典禮弗曠則人才繼起文化自蒸蒸日上也是爲序豈道光元年歲次辛巳季冬上澣（舊志）謹按城內文昌廟有二其在城隍東者爲邑人張所受暨紳士三十餘人建捐資置產爲文社之會計也每歲有司唯至書院設位祀之屢欲興建未果前年議跨北城建置會大憲駁飭而止庚辰冬張邑侯孝詩始擇書院西隙地建之捐俸三百金率先衆紳鼓舞合助工材庀集遂不日告成焉（舊志）

按郡志張邑侯倡建後又捐廉四百二十兩交商生息爲諸生賓興費（續志）

道光十二年知縣威昌倡修光緒十四年知縣李受彤董汝礪相繼倡修（續志）

土地祠在縣署大門東（舊志）

馬王廟在縣署大門西（舊志）

五魁樓在文明門內道光四年邑舉人仇葵忠倡捐建（續志）

洗太夫人廟在小南門外道光二十年重建城守葉揚彪有記同治四年知縣馮詢倡捐重修（續志）

三元宮在東門外街接龍橋頭道光二十五年重修光緒三十年重修宣統三年被水冲塌（續志）

## 靈山縣志

輿地志 二十八

廣東黃黎巷新中華承印

朱千歲宮在東墟街同治元年知縣王振榮倡修光緒十二年復修黃必霖有記不具錄（續志）

廣嗣祠在縣城西北隅今名南堂廟向治六年重修（續志）

忠義祠舊志載在明倫堂後祠一座三楹前通明倫堂

按忠義祠舊址即今忠孝祠歷年既久傾圮無存春秋致祭權於明倫堂設位道光十八年邑令孟繼亨集紳議於忠孝祠舊址改爲忠孝祠祀宋王康臣諸人咸豐二年知縣甘槐於城西街李族充公房屋建忠義祠中奉前明殉難朱千歲旁祀外委何正光紳士梁作幹伍華邦失城後添祀參將廖達章遊廖天衢訓導司徒晉孺人何氏千總周五公把總陳世揚外委張其揚管帶施亮功宋太汎梁鴻德知州銜江顯瀾巡檢徐師銘縣尉蘇文茵州判柴長齡知縣胡國達皆城陷與難及復城陣亡者也汎弁吳紹興管帶廩生張廷材則光緒末年捕匪陣終者也而以參將廖達章訓導司徒晉夫婦爲最著知縣甘槐有記 從來忠臣義士敵愾捐軀烈炳一時名垂百世當其慷慨奮勇授命疆場祇自效其忠義之誠初何計及身後之報而表揚獎勵風教攸關故歷代褒錄以榮之俎豆以饗之此忠義祠之設所以妥英靈而昭激勸也靈邑素淳樸稱易治邇年來迫饑寒多盜賊又毗連西境游匪之豨突者往往肆蹂躪前署事楊君倡鄉

練堵禦積勞成疾庚戌余攝篆寇氛孔熾急圖有以弭之時鎮**甯**楊公護觀察彭公陞任觀察沈公先後提師馳至余即簡率練勇以身先之危險屢遭殲除羣醜顧其間弁兵紳之蹈白刃而陷於死亡者亦不乏人矣國家優恤有典例須專祠崇祀以慰忠魂城內西街舊有李族房屋一所前經護觀察斷令充公諭即此改建爲忠義祠嗣祭時赴各鄉督練勦捕未遑興也今春沈太尊撥公項銀式百兩迺遴紳士田紹宗等董其事經始於二月而落成於四月前後兩座各三楹中奉前明殉難朱千歲旁祀外委何君正光紳士梁作幹伍華邦及兵勇一百有奇是皆志切同仇衝鋒陷銳義不反顧忠能捍衛足見雖荒陬之遠一介之夫均能有勇知方以不惜其身爲足貴也昔陸子有言曰國之有忠義猶天地之有元氣天地非元氣不運國非忠義不立斯言雖有大小之殊然一節亦堪不朽語云以死勤民則祀之則斯祠之建烏可已歟祠旁餘屋賃以爲香燈費春秋享祀由縣捐廉備祭品亦聊以報爾邑之人過斯祠者其將有所觀感而作其忠義之氣也夫是爲記（續志）

忠孝忠舊志按前志孝悌祠在學宮左祀宋孝子王康臣等三人雍正三年建祠久圯舊以其主附名宦祠同祭云云（舊志）

按忠孝祠即舊忠義祠舊址道光十八年知縣孟繼亨改建祀宋孝子王康臣明孝子

## 靈山縣志

輿地志

二十九

廣州黃黎巷新中華承印

孫佐李國華清孝子勞喬義後添祀孝子趙德仁孝友仇蘊晟伍在寬容廣賢仇孟晟柳稠張超英施成性楊秀興莫能貴陸文太梁如載諸人知縣子孟繼亨有序 昔聖王以孝治天下而教孝有經移孝作忠亦以見君親之並重也人苟能克全其行足以爲斯世之矜式者例應入祠以祀之此忠孝祠之所由建也靈邑儒學明倫堂後向有忠義祠一座三楹以節孝另有專祠故以忠義名云惟歷年既久傾圮無存春秋致祭權於明倫堂設立香案於體制殊屬未符爰集諸紳士商之議仍於忠義舊址設法重建且查舊志學宮左向有孝悌祠祀宋孝子王康臣明孝子李國華孫佐三人亦以時久祠圯以其主暫附名宦祠今將忠義祠改爲忠孝祠而本朝孝子勞喬義現得旌表者亦宜入祠享祀焉以後節孝祠中專奉節婦而附名宦祠各主亦可遷回同祭不特有所區別而循名責實亦各從其類也僉曰可於是捐廉以爲之倡而好義樂輸者亦不乏人遂諏吉於丙申仲冬下旬興工越丁酉孟夏上旬葺事董其事者生員黃炳鍾煥基職員丁祥靈予來守茲土愧無風動習俗之休而邑人之向義如是是可嘉也後之人倘顧名思義聞風興起俎豆莘莘不負此日經營締造之苦心則庶幾矣（續志）

光緒五年邑人重修知府鹿傳霖有記 嗚呼乾坤正氣所以昭垂乎萬古充塞乎兩間者惟恃此忠孝節烈數大端而已往往山陬海澨代有完人而姓氏或湮沒無聞事

蹟或散佚失考傳不傳固無損於其人而其理要無不彰者故忠孝節義等祠偏天下即小邑僻縣無不有之非徒以傳其人而敬禮之亦所以資觀感敦教化也靈邑舊有忠義祠祀邑中宋明來王李孫勞諸孝子咸豐中燬於寇今邑人士復建之易名忠孝堂楹墻堦較前益宏春秋展祭靈爽有憑甚盛舉也余閱府志見有趙孝子碑爲前廣西思恩太守趙君元璧所記載孝子尋親骸哀毀勞瘁歿於靈之陸屋墟父子併葬其地事甚悉孝子雖浙人既歿於靈亦不妨附祀於靈祠以彰隱德所重在孝固不必以非靈人而歧視之也質之邑人士以爲何如遂併書而爲之記（續志）

節孝祠在典史署東祠一座三楹大門有坊嘉慶二十五年典史杜新重修

按前志載節孝祠在縣署東北雍正二年建日久就圯每歲惟露祭至時杜典史新乃建復之設木主一十八位凡經旌表者例與焉（舊志）

光緒五年重建於廣嗣宮右知府鹿傳霖有記 靈山忠孝祠余既記之矣邑士人復以節孝祠記爲請盖庀材鳩工兩祠固同時並舉而次第落成者也余嘉靈人士之好善趨義百廢俱興也因並志之夫女子之節烈視男子之忠孝爲尤難而得之海隅僻處之地則難之又難何也男子讀書明理大義宜知當有勉而致者中原文物之邦耳濡目染或有激而成者若海濱愚樸而毅然苦節自甘藉非根於性生焉能之死靡他而自成一代之完人也哉則其表揚更不可缺尤不可緩前少尉杜君新以末秩倡義舉建斯祠可不謂賢乎乃不數十年而燬於寇今越二十年邑人士復建之不惟有以旌節烈且將於此資觀感焉其用心不愈深切哉祠宇坊垣規制畧備松心竹節靈爽式憑嗚呼可以風矣（續志）

林公祠在六峯門內邑人監生勞雍等議建未果宏治元年府同知杜禮成之嘉靖十五年僉事王崇增建儀門十八年孫世祐重葺今圯碑文見金石（舊志）

道光二年重建有記 自古帝王獎忠錄勳凡能興養立教禦災捍患有裨於社稷生民者無不建祠設祀所以彰有德也所以報有功也西靈原屬邊疆久列版圖明景泰初猺寇充斥城爲之毀民不聊生賴邑侯林公設法勦除拯水火之危躋衽席之安講學而倫以明築城而守以固文德武功兩全宜其官至守臬前朝賜勅旌異入祀郡縣名宦迄今數百年後享輯寧之福觀百雉之雄猶想見當日綏靖鴻謨經營苦心故詞宇之建由來久矣春秋二祭禮特隆焉奈世遠年湮風雨飄搖竟成丘墟官員致祭憑空拜跪過而目者每不勝流連徘徊歛歎長歎首事邑庠生鍾煥基林高衛民林遇陳德仁等覩碑石之猶存相基址之尚在稟明邑侯張公諭令興復以倡原日地基窄狹難以敷布更購餘地創造一廳兩房兼設頭門照牆神靈有所棲止規模頗覺宏敞感

## 靈山縣志

輿地志

二十

廣州黃黎巷新中華承印

恩膏之遠垂聿新廟貌賴衆力之共舉同壽銘碑是爲序

按此碑撰序名銜已剝落無攷（續志）

繆公祠在宋泰街今圯祀知縣繆思問（舊志）

汪公祠在圓通閣左祀知縣汪游龍今圯明進士嚴學思有記見金石（舊志）

多公祠在舊南門外大街北向正祠一座三間祠後園地直至社倉祠前頭門直至街祠圯其碑不傳撰者姓名文云邑侯多公諱宏安號君修系出神京河間府阜城縣以康熙二年癸卯奉尹茲土西靈自明季以來兵燹相繼凋瘵之餘存十一於千百城市荒蕪野鞠茂草議者以爲曠極而不可支公下車披荆榛集胥吏勸墾耕勤政教廢墜具舉綱紀畢張下數年而邑稱大治邑之士民爲歌詩不頌公凡十有四章名之曰南賓德政集其曰招集羣黎請捐荒稅立民命也賑恤流民招墟通商易民生也禁革陋規嚴懲積蠹祛民害也豁免夫差革除現役息民力也捐造衙宇豁蠲火耗息民財也和輯兵丁清除盜賊衛民居也創建學宮談經課士重民教也迄今婦子而疇工商而易都人士詩書而絃誦感戴之深匪惟歌誦之又建祠而俎豆之以銘公之德政于不衰祠成公果喬擢德京邑矣爰泐石以誌不朽見斯碑者如見公焉吾願後之繼公者而一如公焉後之建祠者而一如茲祠焉則西靈世世之福也康熙八年六月闔邑紳

## 靈山縣志

輿地志

三十一

廣東黃黎巷新中華承印

士勞炫趙廷玠等全泐石

舊志有分修生員黃天植論云按林公締造靈山於瘡痍多難之日多公則經營靈山於干戈甫定之餘靈山之賴復有其山川土田與城郭人民者皆二公之賜也二公之功德爲不磨矣當時士民捐建林公祠於西門內城脚下東向祠之方廣不知何似洞旁更建舖舍四間遞收餼值以供香燈碑記可考前人慮遠之心可謂至矣今祠不知傾圮於何時基址不知侵占自何人祇孑然遺碑露立於風日之下碑前僅留一掌之地爲春秋致祭之所袖手旁觀增人浩嘆多公祠建於舊南門外大街北向正祠一座三間祠後園地直至社倉祠前頭門三間直至街此兒童時所及見猶堪記憶今祠亦傾圮頭門地已被人占造舖舍正座及後園地三去其一所不敢竟行埋沒碑記而盡占之者以目見之人尙多耳再閱時日不幾與林公同其澌滅乎林公賴有祀典可稽且碑文載在舊志斷不致湮沒無傳多公既未邀崇祀舊志又不錄其碑文異時即有表揚先烈崇德報功之君子於何考証哉小子修復有志力不從心茲幸謬與分修之列特鈔碑文並附末議于後庶幾不去餼羊之意云爾讀黃公此論可爲三慨故並存之（舊志）

按以上四祠舊志列於古蹟以祠圯故也然祀典有其舉之莫敢廢也以林公等治績

彰彰不容泯沒興廢舉墜責在後人謹仍編入壇廟以存舉莫敢廢之意（續志）

### 祠宇

關帝廟縣城一見上壇廟 舊州墟一又名約亭 太平墟一道光三年合鄉重建  
陳埠新墟一 那隆墟一道光六年公建 寶鴨橋一 三隆墟一光緒十六年衆建  
冲表洞一 大平墟一  
北帝廟縣城一見上壇廟 六峯山一正德年間建天啓乙丑庠生陳召棟重修有碑  
自誌其祖栢山初建此廟爰重復捐祀田以廣祖志云云 那隆墟一 陸屋墟一邑  
人梁炅有記 屯盧墟一 舊州墟一尙存天啓萬歷年碑 太平墟一 上井墟一  
那路墟一 那香墟一 檀墟一 盤龍墟一邑人黃煥章倡建 中寧凌元村一  
宋泰新寧墟一 三隆墟一嘉慶十六年施有孚等建 中寧那路墟一嘉靖三十九  
年建康熙至咸豐年間修六次邑舉人李耀燦有記 官屯新墟一康熙三十年建  
石背三博坡一咸豐元年建 舊墟一 舊州墟一光緒年間重修歲貢生周繩姬有  
記 上寧那桃村一乾隆三六十年建道光二十二年重修 平南墟一  
文武廟檀墟長岡嶺一嘉慶二十五年衆建 佛子墟一 舊州墟一道光十五年建  
恩舉人李宸有記 檀墟街西一光緒十四年建宣統二年重修烟墩墟一 茅金

## 靈山縣志

輿地志

三十二

廣州黃黎巷新中華承印

墟一 那隆墟一舊墟一光緒十八年建 文利墟一 沙平墟一伯勞墟一  
宋泰墟一 萬利墟一 官屯新墟一乾隆五十八年建嘉慶二十二年修光緒九年修  
天后宮城西門外一見上壇廟 陸屋墟一 三隆墟一道光二十六年施合  
源等建有碑

華帝廟縣城一詳上 陸屋墟一  
廣嗣祠縣城西北隅今名南堂廟 六峯山龜背峯一重建於崇禎丙子至乾隆四十  
一年知縣何永寧復重建 石塘村一道光年二次重修  
佛臺廟在上謝村嘉慶初年衆建  
普化天尊殿在六洞巖

三清觀在六峯山冲霄峯下乾隆四十八年知縣陳重建  
三官堂西門外一明崇禎七年知縣汪游龍倡建 舊州墟一  
觀音堂城外東墟街一同治年間修廊房 檀墟長崗嶺一 三海巖一名觀音殿  
舊州墟一光緒年間復修六峯山一崇禎丙子重建 潭汶村一平南墟一光緒十八年建  
朱將軍廟東墟街一名千歲宮詳壇廟 陸屋墟一 上東平榜村一 那隆墟一  
烟墩墟一 舊州柁子埔一同治元年張永豐倡建檀墟街南一咸豐二年建 平

山練平坡一

鳳鳴寺在石塘墟建自前明萬曆己酉康熙己卯道光癸巳三次重修至甲辰加建三座  
福寧寺在佛子墟

元帥廟在龍頭峯

石龜寺在官屯練寺山村

都長廟在檀墟

三帝廟在太平墟道光三年仇誨忠捐建

顯應祠在鷹爪塘村

二帝宮在武利墟舊名三聖廟邑人黃朝慶以其廟為鄉子弟會考文藝所元壇廟在  
屯盧新墟乾隆年間建光緒十一年重修邑庠孫繼憲有記

化龍廟在蘇村康熙初年重修

三聖廟那樓墟一 九脉那笪鄉一 邑人梁炅有記

龍每廟石龍山西巖一 禱雨甚應 金科墟南一

祖師廟在六峯山

三界廟陳埠舊墟一 宋泰新寧墟一 東墟一 三凝嶺坡一 乾隆初年建道光二

## 靈山縣志

輿地志

三十三

廣州黃黎巷新中華承印

十七年修有碑

鍾靈山寺在鍾靈山即衆嶺山邑人梁炅有記

伏波廟陳埠舊墟一 宋泰新寧墟一

坳頭坡廟在平南大賓村

陳氏夫人廟三海巖左道光二十九年建

鎮隆廟在那隆墟

福安廟在府靈甲道光十年建

太康廟在府靈甲道光二十三年建

福康廟在府靈甲道光五年立

金谷嶺王娘廟在舊州柵子埔道光年間建 又平南墟西街外有娘娘廟盤古廟官  
屯練蔣家水口咸豐七年紀日谷倡建邑歲貢勞有烈有記 平山練陽山一 盤古  
嶺一同治年間建邑歲貢勞有烈有記 新安村一 近河村一

忠成侯廟在三鄉屯瓌石珩兩村嘉慶年間合建恩舉人李燿燦有記

敬字塔在三隆墟內祀文武聖沮頡各神光緒二十六年施茂邦倡建

康熙廟在三寧那皮村道光二十六年黃萬庚建

泰昌廟在三寧那邏村嘉慶二十年建附生李人龍有記  
水雲菴官屯村一

廖將軍廟在城北十餘里羅練村同治年間鄉人建

龍安廟在龍淵甲道光末年建

鷄靈廟在龍淵甲咸豐初年建

平安廟在龍淵甲咸豐六年建

龍灣廟在龍淵甲光緒二年建

雨水大廟光緒二十一年建祀甯射狸未知何始

五聖宮新塘墟一道光庚子年黃金蘭等倡建庠生賴一元有記 百濟墟一光緒甲午年邑紳李紹庚等倡建

神霄廟在上寧屯仲村一道光二十七年黃日高倡建 上寧屯鷄村一乾隆五十八

年建嘉慶十六年劉仕勉重修 上寧那降村一 上寧那蒙村一乾隆二十八年

黃鳳聘建上寧屯亮村一嘉慶甲戌年周文捷等建 伯勞墟一

三聖宮上寧那威村一道光二十六年建 上寧新墟一乾隆年間建光緒二十三年

重修 中寧那務村一嘉慶八年廖武熾等建舉人李耀燦有記 石塘練石塘村

## 靈山縣志

輿地志

三十四

廣東黃黎巷新中華承印

一康熙癸巳年建平南墟一

雷祖廟上寧那桃村一乾隆三十三年建嘉慶二十五年重修

烏雷廟上寧屯楊村一雍正壬子年建嘉慶九年重修 三寧那馬村一道光二年李

顯明等捐建 平南練捕鷄村一

諫議廟那樓村一乾隆年間黎廣蘭建 官屯練上堯家村一乾隆五十三年甯福海

獨建光緒二十四年重修

候王廟上寧屯仲村一道光元年黃慶翼倡建 中寧屯凌村一道光二十八年韋自  
恭等倡建

禪聖宮在那笪村南

三皇公廟在獅子嶺蒙貴洞

青雲寺在武利墟道光十三年建

六聖宮在昇平墟

五郎廟在昇平甲龍灣村旁

永義祠在武利墟文武廟西北

高嶺廟在官屯村光緒八年姚甯梁三姓集資勸建廩生劉家璠有記

四官廟在平山練辣鷓村

鍾靈寺在石塘練鵝頸村

稚寧寺在石塘練兆庄村

秀靈寺在石塘練洞心鋪

鎮安寺在石塘練新安村

鍾秀廟在中秀山西巖同治辛未年建

福成寺在石塘練平力村

魁星樓在檀墟街中道光十二年建光緒十五年修

五帝宮在城東鹽行街宣統三年六月二十四日被水浸崩

三聖亭內中設關聖左朱千歲右陳五公

按讀志例須分清前後茲祠宇一類新舊並列非敢自亂其例以無關著作且免繁複也識者諒之（續志）

大雲寺在縣治西門內明正統十三年創建萬曆己亥重修教諭譚善繼有記靈山之大雲寺肇創劉正統十三年去今遷治所數十武稍曲折而前西偏爲右鍵邑歲奉以祝釐鉅典也先是靈俗椎樸儉於制嗣經葺治者再制率沿舊前矢前突後寢而不騫

## 靈山縣志

輿地志

三十五

廣州黃黎巷新中華承印

旁廊虛莽方廣具模而已前邑令黃公議廣其制會遷化弗果固括西旁舍三所以給掃除然於伊蒲之享未敷也以故澄什肩隨轉徒將作不共日就圯乙未之秋李侯來蒞銳意興廢諸凡弗經弗秩輒釐去而於典禮重地及係風化關民瘼者亟修舉之一日肆禮大雲寺官僚畢萃禮未成觀者雜遝闌入候乃憮然曰有是哉豈禮法之場湫隘如是靈卽稱詘何至竭二十二里之物力而儉於一椽也亦何以明鉅典有尊屬住持僧道元德雲以前令黃公意請侯益喜諾首捐餼金爲倡暨僚佐諸文武吏各捐有差又邑之富而好行其德者不謀而合舉贏矣乃集耆髦王言紀良貴林應奮謝國光等遞主其役而僧德雲出納其緡候每視事暇輒肩輿往親督課之工中程材中度悉匠侯意中爲兜率宮奉萬壽牌於其前增飭佛像崇設露臺旁起兩楹舍如掖繚以周垣北架層樓奉大士升入筵崇四切四望爽塏羣山迴合百雉緒徐凡羅陽梁冠六峯三海之勝可憑而俯也尋建重門竅其門者一制如故特參工物加飭之外竅其門爲三顏其中曰肅儀宮左曰靈陽福地右曰清逸禪林非禮會不啟扃第闢左右以時出入望之森森井井穆乎逕覩秩乎有體庶幾乎瓊光之庭即靈隩神臬辟三舍矣又堰傳舍蔬其圃築旁地藉其傭括餘地資其秣他如方丈禪堂爲庖爲滷靡不奕奕改觀歲在戊戌臘工告成適余來署靈庠侯囑以記余謝不敏而心竊饜乎侯之知所重也

立非常之原難以慮始有司幸無及於其身又徇所利而任之是役也道舍十年待侯一籌而決俾靈知彬彬向化尊禮教於白象易椎樸而文明至今樂觀厥成晏如也非侯誰任哉況不廢時以徵役勿亟以勞民以投袵赴工捷於桴鼓夫鼓之形我之有也鼓之聲我之感也靈之民情競勸候固有以感之也則候之知所重也余不能擊悅其說特次第其事以俟乎後之文者（按記萬曆己亥作）

按乾隆舊志亦多改刪今照原文錄之碑現存大雲寺（舊志）

康熙十年重修駐防都司馬成龍有記今夫人有感於心者而不見之於其事無以見心也故心不可見見於其行事者而如見之焉古先王崇禋祀之典隆修建之舉後人踵事增華皆非無說而然也古人云善事須貪惡事莫樂使非其以是而感於心者其又烏能見諸行事也哉夫靈山大雲寺厥來舊矣其爲寺也襟六峯而帶三海蓋挺山川之氣而與世運相悠久者其聲靈亘萬古而恒在也寧特爲一方受其庇哉合邑父老嘖嘖稱盛焉慨自兵燹之後垣宇傾頽余已酉入靈亟欲商之同心者羣起而修復焉第有志而未逮茲幸一時名君子蔚起而倡之余乃得接踵而共成一時之美前之鞠爲茂草者今遂釐然具舉焉雖然余匪有所慕而然也夫善事須貪余之有感於心者固不自今日而始也茲之得與諸君子附重修之末乃行吾行志吾志余果何所

## 靈山縣志

輿地志

三十六

廣東黃黎巷新中華承印

慕也耶蓋莫爲之前雖美弗彰莫爲之後雖善弗繼今日者余正期與諸君子附驥尾以垂不朽至於踵事增華則更俟後之君子以輝映乎後先彼凡有所興作而輒自歸功者亦獨何哉爰勒石以爲之志（碑存寺內）

查寺內捨香燈舖租田塘租甲於一縣計糧四石有零不具載現有碑存按大雲寺寺耳列於公所者以其建寺始末爲禮典也故詳之（舊志）

按大雲寺舊志列於公所今分載祠宇並附碑記以存神祠眞像（續志）

按寺內各租緣光緒三十四年主持僧破戒被逐還俗盡將寺租提充學費（續志）

牛王廟在陸屋墟雍正間建乾隆間思恩府同知四川張士權重建有記粵西南甯巖務駐橫州之平塘江爲南太泗思鎮五郡邑轉運總滙其出場改築陸行之地曰陸屋者距平塘江一百餘里運用車牛以數百計牛值奏支帑項雍正戊申前管運司馬以牛多瘟斃採集衆議始建牛王廟於運館之西偏前祀牛王後奉龍母歲時禱祭災因得免歷十餘年風雨剝蝕廟之大門前殿以次傾圮乃奉牛王神像附祀於龍母龕旁廟宇規制遂以因循曠廢而將不可復權蒙上憲檄委司運丙寅春前至陸屋各館催贖瞻仰之下門殿蕩然附祀後座地湫隘位置尤舛非所以妥神靈崇報饗也權遂有捐俸助修建復之志會耆老緣首咸踴躍從事計釀金僅數十兩又查建廟之始衆車

戶借出香資逋欠亦爲數三十餘兩而工費浩繁因查運庫內有存貯充公溢鹽價銀一十五兩有奇係屬備用公項乃請其事於前任鹺憲李公既報曰可且捐俸助並准存貯溢鹽價銀如稟奏支乃得庀材鳩工建復舊宇未克報竣值今觀察富公來視鹺政權因慮經營乖方又以淺陋不文無足表彰靈貺因具以聞公固樂嘉惠於此方者也遂允所請來以利濟元武額而更捐俸以觀厥成焉於是乃益大集匠石前爲大門中爲正殿仍奉牛王神像而祀之其後則龍母殿也堂階戶牖煥然一新蓋無俟更諸爽塏亦庶幾既成久安矣是役也經始於戊辰夏六月落成於己巳春三月董其事者則州庠梁生文生清理逋欠以資工給則林墟司巡廳王君均有功焉權按周禮祀典有功於民者祭之能捍大患者祭之而蜡索之文且祭及坊庸貓虎今徼惠於牛王庀茲牧畜去其災患而息以蕃滋以佐輓運以裕稅課以資民食利賴溥矣則斯廟之作固崇德報功所必不可少之事也云爾因悉其顛末而爲之記（舊志）

趙孝子祠在陸屋墟埠背（舊志載墓碑誌二篇今改載冢墓門）

按建置志另有壇廟一門以其載於祀典有司歲時致祭者也茲之祠宇或已列祀典或未列祀典皆以有功於民民奉祀之云爾故統見疆域志中（舊志）

舊志以壇廟隸建置類以祠宇隸疆域類謹按壇廟祠宇建置雖分大小崇祀則一邇

## 靈山縣志

輿地志

三十七

廣州黃黎巷新中華承印

藉此保存公地化無益爲有益諸俟後來（續志）

靈山正續志卷四輿地志

建置類下 坊表 橋梁 道路 善團

坊表

青雲坊在文廟前大街嘉慶九年閩邑公建

節孝坊縣東北關外貞烈坊一爲何廣琛烈婦蒙氏立板貢印植有記載雜著那隆施屋村貞烈坊一爲何世燦妻烈婦施氏立 武利魚梁埠貞節坊一爲葉乘桂妻何民立 下白水塘貞節坊一爲甯俊昌妻趙氏立 舊州埔表洞貞節坊一爲李元璋妻陳氏立 太平世祿塘雙節坊一爲伍之達妻利氏長媳李氏立

樂善好施坊在縣西門外環秀橋街爲楊邦濟獨建環秀橋立各碑記詳橋梁類遺愛坊在大平墟爲西鄉巡檢馮可宗政治廉明愛民如子衆鄉建坊以誌不忘焉

孝子坊在檀墟沙井村爲孝子勞喬義建

貞節坊在太平佳芝嶺爲仇汝康妻容氏建

雙節坊在新塘爲盧元璋妻周氏三子炯彰側室陸氏立